

COMUN: Al vëgn lascé alsavèi che l'ofize dla posta a San Martin sará stlüt dai 17 d'otober al 01 de novèmber 2024 por laurs. Tratan la perioda de stlüta pól gní anuzé l'ofize dla posta a La Val che é davert vigni dedolönesc y jöbia dales 8.20 ales 13.45 y la sabeda dales 8.20 ales 12.45.

SANITÉ: Le dotur Eduard Agreiter é demez en chësc lönesc danmisdé, ai 21 d'otober, y vëgn sostitui dala doturia Grete Mahlknecht 349 06 67 034.

PLOANIES SAN MARTIN Y LUNGIARÜ

L'EPL (Ert por i Ladins) invieia düc al concert sacral por stlütje jö l' Edema dla Fede tla dljia da San Martin incö domënia, ai 20 d'otober, dales 16.00, cun i cors de dljia da Corvara, La Ila, La Val y San Martin. Spënor de buna man!

Le consëi de ploania da La Pli invieia en dedolönesc ai 22 d'otober, dales 17.00, tla Ciasa dles Uniuns a La Pli ala presentaziun dla „Bibia por mituns“, traduziun por marou de Franz Rigo dla „Neukirchener Kinderbibel“ (publicada cun l'autorisaziun dla Dlijia), cun siur Tone Fiung y scholars da La Pli. Chi che ó cumpré le liber, le ciafa pro Franz instës (contat: franz.rigo@hotmail.com) o tla botëga Mascotte y tla botëga dal Šauter a Al Plan, tl Minimarket a Longega y tla botëga Malbo a Pidrö.

LUNGIARÜ

Le consëi de cöra rengraziëia dër bel dotes les porsones che s'á dé da fá y á porté tan de patüc por la "ola dala fortüna" a bëgn dla dljia en la segra. En gran dilan ince ai jogn che nes á dé y metü a desposiziun la lerch!

I oressun ciamó daidé recordé da paié ite le contribut por la cöra (50 euro por adulc, 10 euro por studënc y 5 euro por mituns d'elementara y mesana) che pó gní paiá pro la Raika söl cunt dla cöra IBAN: IT 63 K 08010 58830 000304004931. Bel dilan a chi che á bele paié. Ma sce düc dëida contribuí ales spëises, sunse bugn da fá frunt al gran debit ch'i un dötarela.

Le Cor de Dlijia tëgn indö le marcé de Santa Lizia. Porchël prëiel dër bel da arjigné ca val' patüc da vëne. Prëibel y dilan bele damperfora.

I seniors y les seniores da Lungiarü é dër bel inviá/des ala ciastagnada en jöbia, ai 24 d'otober, dales 18.00 tla Pizzeria Fornata. La cëna costa 29,00 € porom che vignun paia instës. La Uniun paia les boandes. Prenotaziun cina insnöt, domënia, dales 20.00 pro la Renate 342 32 79 406.

Curs de yoga cun Giulia Moling por indöt 8 iadi vigni lönesc dai 21 d'otober inant dales 19.30 - 21.00 tla palestra da Lungiarü - Info y prenotaziuns al nr. 347 58 60 697. Cost 100€/porsona.

LNB Motion - ginastica posturala cun Marisa Clara por indöt 7 iadi vigni mertesc dai 05 de novèmber dales 18.30 - 19.30 tla palestra da Lungiarü. Info y prenotaziuns al nr. 340 27 56 166.

Le mede dai tiers Alexander Tavella nes cunta co conësce adora assá les maraties infetives dl bestiam, en vëndres, ai 25 d'otober, dales 20.00 tla Ciasa Jan Batista Runcher a Badia. La Uniun Patrones Badia invieia.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523 194

20.10 - 27.10.24 n. 47

termo por comunicaziuns: jöbia, dales 20.00



29ª DOMÈNIA IA POR L'ANN B

Vangele do san Merch 10, 35-45

Te chël tëmp é Iaco y Jan, i fis de Zebedeus, jüs da Gejü y à dit: ...
Làscesse senté te to règn un a man dërta y l'ater a man ciampa dlungia tè. ...
Canche i atri diesc discepui â aldì chësc, s'ài dessenè cun Iaco y Jan.
Dailò i à Gejü cherdè ca y à dit: I savëis che chi, che vëgn aratà regnanc, sotmët i popui, y che i potënc adora mal súa potënza sura la jënt. Pro os ne déssera nia ester insciö,mo chël, che ô ester gran pro os, dess ester osc sorvidù, y chël, che ô ester le pröm, dess ester le stláf de düc. Deache incé le Fi dl Om n'é nia gnü a se lascè sorvì, mo a sorvì y a dè ca súa vita sciöche prisc por nen cumprè ciarà tröc.



Iaco y Jan ess ion i pröms posc tla gerarchia dl règn de Dî.
Da súa vöia da rové tl règn de Dî ti posc söinsom vëigon, che i discepui ne n'á capí püch y nia dla noela dl règn incundada da Gejü.
Dailó nen vára de dediziun, y porchël d'amur.
L'amur ne ciara nia da abiné y raspé adöm, mo al se scinca ia y cheriëia na gran lerch de liberté por düc.
Tolunse sö l'invit de Gejü da formé na comunité cristiana che tol les regoles y la mosöra dal règn de Dî, olach'i dessun ester sorvidus y apé de düc?
I orun se porvé da chirí n'atra manira da vire deboriada co chëra dl monn y insciö porté ite val' dla liberté, dl entusiasim y dla ligrëza dl règn de Dî te nosta vita.

EDEMA - B	SAN MARTIN	LUNGIARÜ	D'ATRES INFORMAZIUNS
20.10.24 29ª DOMÈNIA - B Segra de Düc Domènia Mondiala dles Misciuns cun oferta por les Misciuns	9.30 Corona 10.00 Gran Mëssa por la comunité + Teresa Pedevilla + frater Felix Ploner + Carlo Moling 16.00 Conzert de conclujiun dl'Edema dla Fede cun i cors de dljia da S. Martin, La Val, Corvara y La Ila	Festa dla Racoiüda y di Maridá Iubilars 7.50 Corona 8.15 Gran Mëssa por la comunité por familia Gebhard y Loise Moling por familia de Martin Clara + + + Gottfried, Traudl y Romedio + + Giustina y Germano Moling	K.V.W. - Informaziun por i pensioná: Tröc pensioná mëss vigni ann comuniché al INPS sc'ai á albü entra- des fora dla pensiun. Chèsta comunicaziun, ince sce negativa, é da fá online cun le "mod. RED". Sce chi che toma ite te chësta categoria ne la fej nia cina ai 28 de forá, vëgn la pensiun scurtada. Informaziuns plü avisa y n aiüt por fá le mod. RED ves dá ion le K.V.W. a Bornech (0471-080730) o te Comun a Badia vigni lönesc dales 09.00 ales 10.00. La lista di docu- mënc da tó do ciafëise sön la plata internet: https://www.kvwservice.eu/wp-content/uploads/2024/09/RED_de_2024.pdf .
21.10.24 <i>Ursula y compagnes</i> Lönesc			<p style="text-align: center;">EDEMA DLA SANITÉ Mareo - 21 - 25 d'otober 2024</p>
22.10.24 <i>Jan Paul II, Cordula</i> Dedolönesc	8.00 Mëssa + Sepl Trebo, Pension Tor	16.00 Corona tla capela S. Ojöp Fr.	lönesc, 21/10 dales 20.00 SCURITÉ TL'ANIMA - DEPRESCIUN I ORUN NEN BAIÉ
23.10.24 Dedemesaledema <i>Jan da Capestrano, Severin</i>	18.00 Corona d'otober	7.30 Mëssa aniv + + Anna y Florian Clara + Josef Kerschbaumer + + de Iachin + + dl Mair dedô Corona d'otober	cun Edmund Senoner y Franz Trebo Mësa torona cun moderaziun de Diego Clara Al Plan, salf dla Cassa Raiffeisen dedolönesc, 22/10 - 20.00 AUTOSUFIZIENZA CUN L'URT DE CIASA Y VERZÖRA POR L'INVERN cun Georg Trebo
24.10.24 <i>Antone Maria Claret</i> Jöbia			La Pli, salf dles manifestaziuns dedemesaledema, 23/10 - 20:00 LACHEN OHNE GRUND
25.10.24 <i>Crisant y Daria</i> Vëndres	18.30 Adoraziun chîta 19.00 Adoraziun deboriada		EINFACH WEILS GUT TUT - LACHYOGA cun Veronika Mantari Eschgfeller Rina, salf dles manifestaziuns
26.10.24 Sabeda <i>Amandus, Aurel</i>	18.30 Mëssa prefestia + Maria Grünfelder Flöss + Pasquale Olivieri		jöbia, 24/10 - 20:00 TLES CIAFES DL' ALCOL VIRE CUN Y DLUNGIA LA DEPENDENZA Mësa torona moderadá da Diego Clara cun Edmund Senoner, Hubert Pizzinini, Paul Pedevilla Al Plan, salf dla Cassa Raiffeisen
27.10.24 30ª DOMÈNIA - B	8.30 Corona 9.00 Liturgia dla Parora de Dî	7.50 1ª pert Adoraziun 8.15 Liturgia dla Parora de Dî dedô 2ª pert Adoraziun	vëndres, 25/10 - 20:00 POSITIVE WIRKUNGEN VON HONIG & CO. cun Erich Larcher La Pli, salf dles manifestaziuns